

ALLOCUTIO

SANCTISSIMI DOMINI NOSTRI

P I I

DIVINA PROVIDENTIA

P A P Æ VI.

H A B I T A

IN CONSISTORIO SECRETO

Feria secunda die XI. Septembris MDCCLXXV.



R O M Æ , MDCCLXXV.

Ex Typographia Rev. Cameræ Apostolicæ.

OTTEBRO - 11-0

BRANCH 11-0 11-1-12

THE 11-0
11-0

ATHELOPOT 11-0

OTTEBRO 11-0



VENERABILES FRATRES.



UAMQUAM plurimæ amoris cau-
sæ ex intima mutuâque Nostra
cum Venerabili Fratre JOANNE
CAROLO Episcopo Corneliensi vo-
luntatum æque, ac propinquitatis
conjunctiōe, exortæ, Nobis assiduè animo ob-
versarentur, Nosque impellerent, ut eximiis il-
lius in Nos benevolentia significationibus grati
animi vices redderemus, eumque amplissimi Ve-
stri Ordinis dignitate ornaremus; tamèn actio-
ni huic Nostræ moram attulit cogitatio, sive
timor quidam, qui Nobis inhærebat, ne secta-
ri videremur Domum Nostram, & ne magis
A 2 huma-

CHINESE

RESEARCH

THE

RESEARCH

CHINESE



VENERABILES FRATRES.



UAMQUAM plurimæ amoris cau-
sæ ex intima mutuâque Nostra
cum Venerabili Fratre JOANNE
CAROLO Episcopo Corneliensi vo-
luntatum æque, ac propinquitatis
conjunctione, exortæ, Nobis assiduè animo ob-
versarentur, Nosque impellerent, ut eximiis il-
lius in Nos benevolentia significationibus grati
animi vices redderemus, eumque amplissimi Ve-
stri Ordinis dignitate ornaremus; tamèn actio-
ni huic Nostræ moram attulit cogitatio, sive
timor quidam, qui Nobis inhærebat, ne secta-
ri videremur Domum Nostram, & ne magis

humani affectus, quam meritorum, quibus tribuendum illud præmium esset, rationem haberemus. Propterea illo posthabito, ne ad primitias accederet, prius alios Præsules, nulla sanguinis communione Nobis adstrictos, ad hunc honoris gradum cooptavimus. Ad hujusmodi consilium ineundum inducti etiam fuimus præclaro Jacobi exemplo, qui licet Joseph & Benjamin ceteris Filiis haberet cariores, divino tamèn spiritu ductus in hæreditate, ac benedictione, non habuit potiores. Verumtamèn alia ex parte magnoperè veremur, ne si Virum Nobis conjunctissimum, à quo ab Adolescentiæ Nostræ flore in Urbem accersiti fuimus, contubernio excepti, Filii loco habiti, diutiùs negligamus, in justam multorum reprehensionem incurramus. Hanc acerbitem ferè exprobrari Nobis putamus gravissimis illis Chrysostomi verbis: *Si quis propinquos genere, atque affinitate conjunctos aspernatur, quo pacto erit in alienos clemens? Nonne vanitati, judicio omnium, erit obnoxius, si alienos beneficiis fovens, Propinquos sua immanitate despiciat?* Hinc in re adedè anticipiti incertum ac vacillantem animum collegimus, & iteratis precibus Deum imploravimus,

ut trepidationi huic nostræ succurreret, & omnem deliberandi metum, ac dubitationem depelleret. Tum igitur divina ope freti ad inspicendam Avunculi Nostri Vitæ rationem omnem aggressi sumus, atque accuratè scrutata ejus indole, provecta Ætate, diuturna Episcopalis muneris perfuntione, nihil sanè deprehendimus, quod Nos a Cardinalatus eidem conferendi cogitatione removeret. Subjiciemus hæc ipsa, VENERABILES FRATRES, judicio vestro, atque hunc in modum exponemus, ut ille idem modestissimus Vir, si adesset, & audiret, improbare non posset. Post traductam apud egregios Jurisperitos, ac Judices plenam studii, ac laboris vitam, fuit a san. mem. Benedicto XIV. ad Episcopatum Botriensem, & Suffraganeatum Veliternum promotus, cum fere independenti illius Dioecesis regimine. Adeò cautè direxit gressus suos, adeoque ab eodem Pontifice in eo munere per octo annos gerendo, probatus est, ut nullis præeuntibus officiis, translatus fuerit ad Ecclesiam Corneliensem: Ecclesiam amplam, atque illustrem, quam plures Cives Nostri Cæsenates multa cum laude antea tenuerunt; quos inter singularem in modum præ-

luxit Hieronymus Cardinalis Dandinus in Republica Litteraria notissimus, quem alii postmodum Cardinales in eadem obtinenda, sunt consequuti, An tanti Pontificis expectationi Joannes Carolus responderit, intelligunt omnes, qui publica ab eo excitata monumenta inviserunt, qui perspectam illius Cleri disciplinam habuerunt, qui norunt Populos illos per finitimas Ditiones divisos, sine turbis, sine offensione in tam variis hominum cupiditatibus, tam temperatè ab eo contineri, duasque res natura & moribus dissociatas apprimè copulari, scilicet OBSEQUIUM & LIBERTATEM. Ab Ecclesia sua, quam a quatuor & viginti annis administrat, nunquam nisi semel discessit, idque ipso Episcopali officio adductus, nimirum ut Apostolorum Limina inviseret, suæque Villicationis rationem redderet, Ferè quotannis suam peragravit Diocesim, ac si aliquando subsistere in ipso peragrando cursu, articulorum dolore cogeretur, simul ac imminui vim morbi animadverteret, fractis adhuc viribus, pedibusque labantibus, interceptum iter, animi ardore sustentatus, repetebat. Hæc cum omnibus nota sint ac pervulgata, nolite putare ad Avunculi No-

stri laudationem a Nobis esse allata; sed ut in legum, quas ante oculos habemus, severitate aliquam animi tranquillitatem nancisceremur; Valdè miseri sanè essemus, si quod in aliis improbamus, in Nos ipsi inverecundè admitteremus. Nos Hierarchis Fratribus Nostris interminamur Magni Gregorii sententiam, *ne magis honorent Conjunctos; quam Dominum, ne amore propinquitatis Ecclesiæ facultatibus ditentur, & in altitudine Ordinis cumulentur abundantia ubertatis, ne denique temporali Dignitati præferant eos, quos carnali affectione complectuntur*: Quæ igitur Nobis esset excusatio, si quod voce prædicamus, opere rejiceremus? Sed ut omittamus alia quamplurima, quæ longa, ac multiplici experientia, & cum illo consuetudine comperta habemus, cum ex paucis, quæ jam commemoravimus, satis persuasum Nobis sit, etiamsi nihil ad Nostram cum Episcopo Corneliensi conjunctionem respiceremus, eundem sua ipsius Virtute promereri, ut ad amplissimam Cardinalatus Dignitatem evehatur; idcirco eum die XXIX. Maii proximè præteriti Sanctæ Romanæ Ecclesiæ Cardinalem creavimus, ac in pectore reservavimus, & palam hodiè proferre,

ac declarare constituimus. Verum antequam
irrevocabilem declarationem pronunciemus, Ve-
stra suffragia, VENERABILES FRATRES, requirimus,
que ut libere recteque proferatis, valde cupi-
mus, & quantum possumus Vos in Domino
obsecramus.

Quid Vobis videtur?

Auctoritate Omnipotentis Dei, Sanctorum Apostolorum Petri & Pauli, ac Nostra, declaramus Sanctæ Romanæ Ecclesiæ Presbyterum Cardinalem JOANNEM CAROLUM BANDI Episcopum Corneliensem, cum Derogationibus, & clausulis necessariis, & opportunis.

In Nomine PATRIS & FILII &
& SPIRITUS SANCTI. AMEN.

ac declarare constituimus. Verum antequam
irrevocabilem declarationem pronunciemus, Ve-
stra suffragia, VENERABILES FRATRES, requirimus,
que ut libere recteque proferatis, valde cupi-
mus, & quantum possumus Vos in Domino
obsecramus.

Quid Vobis videtur?

Auctoritate Omnipotentis Dei, Sanctorum Apostolorum Petri & Pauli, ac Nostra, declaramus Sanctæ Romanæ Ecclesiæ Presbyterum Cardinalem JOANNEM CAROLUM BANDI Episcopum Corneliensem, cum Derogationibus, & clausulis necessariis, & opportunis.

In Nomine PATRIS & FILII & SPIRITUS SANCTI. AMEN.

[illegible]